



REPUBLIKA E SHQIPËRISË  
MINISTRIA E DREJTËSISË  
MINISTRI

Nr. 1749 / 1 Prot.

Tiranë, më 25.03.2024

**U D H Ë Z I M**

Nr. 1, datë 25.03.2024

**“PËR  
PËRCAKTIMIN E RREGULLAVE TË HOLLËSISHME PËR TRANSFERIMIN E  
PËRKOHSHËM DHE TË PËRHERSHËM TË PËRMBARUESIT GJYQËSOR  
SHTETËROR”**

Në mbështetje të nenit 102, pika 4 të Kushtetutës të nenit 7, pika 2 të ligjit nr. 8678, datë 14.5.2001 “Për organizimin dhe funksionimin e Ministrisë së Drejtësisë”, i ndryshuar, si dhe të nenit 44, pika 6 dhe 46, pika 4 të ligjit nr. 8/2023 “Për organizimin dhe funksionimin e Shërbimit Përmbarimor Gjyqësor”,

**U D H Ë Z O J:**

**KREU I  
TRANSFERIMI I PËRKOHSHËM**

Seksioni 1  
Dispozita të përgjithshme

Neni 1  
**Rastet e transferimit të përkohshëm**

1. Transferimi i përkohshëm për nevoja të punës kryhet në një zyrë përmbarimore që:
- a) ka të paktën një pozicion të lirë të përkohshëm, që konstatohet kur përmbaruesi gjyqësor shtetëror që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion, situatë e cila cenon funksionimin normal të zyrës përmbarimore;



b) sipas vlerësimit të Drejtorit të Përgjithshëm, një zyrë përmbartimore ka ngarkesë pune më të lartë se ngarkesa në të njëjtën periudhë të një viti më parë, situatë e cila cenon funksionimin normal të saj për shkak të numrit të lartë të çështjeve në ekzekutim, kompleksitetit të tyre, si dhe numrit të përmbartuesve gjyqësorë shtetërorë në atë zyrë;

c) nuk ka asnjë përmbartues gjyqësor shtetëror që mund të kryejë ekzekutimin e dosjeve përmbartimore të caktuara për shkak të konfliktit të interesit, ose;

ç) nuk mund të kryejë ekzekutimin e dosjeve përmbartimore të caktuara për shkak të rrethanave objektive që lidhen me zyrën përmbartimore apo me përmbartuesit gjyqësorë shtetërorë.

2. Transferimi i përkohshëm në interes të shërbimit përmbartimor gjyqësor shtetëror kryhet:

a) kur përvoja e një përmbartuesi shtetëror gjyqësor i shërben përgatitjes sa më të mirë të kandidatëve fitues, në periudhë prove në një zyrë tjetër përmbartimore kur vlerësohet se, përvoja në detyrë e përmbartuesve shtetërorë në atë zyrë është e pamjaftueshme për të qenë mbikëqyrës të kandidatëve fitues;

b) për raste të tjera për të cilat, Drejtori i Përgjithshëm i Përmbartimit vlerëson se transferimi i përkohshëm është në interes të shërbimit përmbartimor gjyqësor shtetëror.

## Neni 2

### Fillimi i procedurës për transferimin e përkohshëm

1. Drejtori i Përgjithshëm i Përmbartimit fillon procedurën e transferimit të përkohshëm, kryesisht ose me kërkesë të arsyetuar të zyrës përmbartimore. Në kërkesë jepet informacion mbi:

a) të paktën një nga rastet e përcaktuara në nenin 1, të këtij urdhri;

b) masat e marra për të përmbushur nevojat e zyrës së përmbartimit duke shmangur transferimin e përkohshëm;

c) periudhën e përafërt të transferimit të përkohshëm;

ç) çdo të dhënë apo informacion tjetër që i shërben vlerësimit të nevojës për transferim të përkohshëm.

2. Drejtori i Përgjithshëm shqyrton kërkesën dhe merr vendim brenda 5 ditëve, nga data e paraqitjes së kërkesës sipas pikës 1 të këtij neni, për:

a) fillimin e procedurës për transferimin e përkohshëm, ose;

b) mosfillimin e procedurës për transferimin e përkohshëm.

3. Në caktimin e periudhës së transferimit të përkohshëm, Drejtori i Përgjithshëm i Përmbartimit mban parasysh mbarëvajtjen e shërbimit përmbartimor gjyqësor shtetëror në tërësi, si dhe zyrat përmbartimore ndërmjet të cilave ndodh transferimi.

## Neni 3

### Kriteret për transferimin e përkohshëm

Në çdo rast, nuk mund të transferohet përkohësisht përmbartuesi gjyqësor shtetëror i cili:

a) nuk ka marrë emërimin përfundimtar nga Ministri i Drejtësisë;

b) është kryetar i një zyre përmbartimore;

c) është transferuar 2 herë brenda një viti;

ç) ka konflikt interesi, kur transferimi i përkohshëm kryhet për ekzekutimin e dosjeve



përmbartimore të caktuara;

d) është vlerësuar në nivelin "Mjaftueshëm" ose "I pamjaftueshëm" në vlerësimin e fundit; dh) është i pezulluar;

e) është duke u proceduar dhe Këshilli i Përmbartimit nuk ka marrë ende vendim sipas neneve 78 ose 82, të ligjit nr. 8/2023 "Për organizimin dhe funksionimin e Shërbimit Përmbartimor Gjyqësor Shtetëror";

ë) ka masë disiplinore në fuqi.

#### Neni 4

##### **Zgjedhja e zyrës përmbartimore prej së cilës transferohet përmbartuesi**

1. Transferimi i përkohshëm, si rregull, bëhet nëpërmjet transferimit të përmbartuesve gjyqësorë shtetërorë që janë të emëruar në zyra përmbartimore me ngarkesë më të ulët. Për përcaktimin e ngarkesës së punës, Drejtori i Përgjithshëm i Përmbartimit vlerëson të dhënat e disponueshme mbi numrin e çështjeve në ekzekutim, kompleksitetin e tyre, si dhe numrit të përmbartuesve gjyqësorë shtetërorë në secilën zyrë përmbartimore në 2 (dy) vitet e fundit.

2. Zyra përmbartimore prej së cilës do të transferohet përmbartuesi gjyqësor shtetëror zgjidhet nga radhët e zyrave më të afërta me zyrën përmbartimore në të cilën do të transferohet përkohësisht përmbartuesi gjyqësor shtetëror.

3. Transferimi i përkohshëm nuk kryhet nëse efekti negativ që shkakton në funksionimin e zyrës përmbartimore prej së cilës do të transferohet përmbartuesi gjyqësor shtetëror, është më i madh se dobia që ai pritët të sjellë në zyrën përmbartimore shtetërore në të cilën do të transferohet. Drejtori i Përgjithshëm i Përmbartimit kryen vlerësimin e efekteve të transferimit pasi merr, në çdo rast dhe paraprakisht, mendimin e kryetarëve të zyrave përmbartimore.

4. Kryetarët e zyrave përmbartimore japin mendimin brenda 5 ditëve nga paraqitja e kërkesës. Mendimi i Kryetarëve nuk është detyrues.

5. Drejtori i Përgjithshëm i Përmbartimit kryen një verifikim paraprak të plotësimit të kriterëve të përcaktuara në nenin 3 të kësaj rregulloreje nga ana e përmbartuesve gjyqësorë shtetërorë, në bazë të dokumentacionit të zotëruar prej Drejtorisë së Përgjithshme të Përmbartimit. Pas verifikimit paraprak, Drejtori i Përgjithshëm i Përmbartimit përgatit listën e zyrave përmbartimore, përmbartuesit gjyqësorë shtetërorë të të cilave plotësojnë kriteret.

6. Në përfundim të procesit të përcaktuar nga pikat 1 deri 5 të këtij neni, Drejtori i Përgjithshëm i Përmbartimit cakton zyrën përmbartimore prej së cilës do të transferohet përmbartuesi gjyqësor shtetëror brenda 7 ditëve.

#### Neni 5

##### **Shpallja e njoftimit për transferim të përkohshëm**

1. Pasi caktohet zyra përmbartimore prej së cilës do të transferohet përmbartuesi gjyqësor shtetëror, Drejtoria e Përgjithshme e Përmbartimit dërgon në adresën elektronike të përmbartuesve gjyqësor që mund të transferohen përkohësisht, si dhe publikon në faqen zyrtare të internetit të Drejtorisë së Përgjithshme të Përmbartimit njoftimin mbi nevojën për transferim të përkohshëm.

2. Njoftimi dërgohet jo vonë se 2 ditë nga evidentimi i zyrës përmbartimore.

3. Njoftimi përmban të paktën:



- a) përcaktimin e rastit sipas nenit 1 të kësaj rregulloreje;
- b) zyrën përbarimore ku do të transferohet përbaruesi gjyqësor shtetëror;
- c) periudhën e përafërt të transferimit;
- ç) afatin brenda të cilit përbaruesi gjyqësor shtetëror mund të paraqesë pëlqimin me shkrim për transferim, i cili në çdo rast nuk duhet të jetë më i shkurtër se 7 ditë kalendarike nga publikimi i njoftimit;
- d) dokumentacionin shoqërues që shoqëron pëlqimin dhe që nuk mund të administrohet kryesisht nga Drejtoria e Përgjithshme e Përbarimit;
- dh) adresën postare ose elektronike në të cilën duhet të paraqitet pëlqimi.

#### Neni 6

#### **Transferimi i përkohshëm në bazë të pëlqimit**

1. Transferimi i përkohshëm, si rregull, kryhet me pëlqimin e përbaruesit gjyqësor shtetëror që transferohet.
2. Në rastin kur asnjë përbarues gjyqësor shtetëror nuk paraqet pëlqimin, transferimi i përkohshëm bëhet edhe pa pëlqim.

#### Seksioni 2

#### **Transferimi i përkohshëm me pëlqim**

#### Neni 7

#### **Kërkimi i pëlqimit nga përbaruesi gjyqësor shtetëror**

1. Nëse nevoja e një zyre përbarimore, në të cilën është i transferuar përkohësisht me pëlqim një përbarues gjyqësor shtetëror, mund të përmbushet sërish përmes transferimit të përkohshëm, Drejtoria e Përgjithshme e Përbarimit fton fillimisht, për të paraqitur pëlqimin, përbaruesin që është i transferuar. Paraqitja e pëlqimit nuk kërkohet kur nuk përmbushen kriteret e përcaktuara në këtë rregullore ose nëse transferimi i tij cenon funksionimin normal të zyrës përbarimore, në të cilën është i emëruar.
2. Në çdo rast tjetër, paraqitja e pëlqimit iu kërkohet të gjithë përbaruesve gjyqësorë shtetërorë që përmbushin kriteret e përcaktuara në nenin 3, të kësaj rregulloreje.
3. Pëlqimi paraqitet me shkrim dhe dërgohet përmes shërbimit postar ose në rrugë elektronike, brenda 5 ditëve nga publikimi i njoftimit.

#### Neni 8

#### **Verifikimi paraprak**

1. Drejtori i Përgjithshëm i Përbarimit administron pëlqimin dhe dokumentacionin shoqërues dhe brenda 2 ditëve nga përfundimi i afatit për paraqitjen e tyre, kryen veprimet e mëposhtme:
  - a) kur pëlqimi dhe dokumentacioni shoqërues përmban të gjithë dokumentacionin e nevojshëm, sipas parashikimeve të këtij udhëzimi, njofton kandidatin me shkrim mbi vazhdimin e procedurës së verifikimit të kritereve;
  - b) kur pëlqimi dhe dokumentacioni shoqërues nuk përmban të gjithë dokumentacionin e



nevojshëm, sipas parashikimeve të këtij udhëzimi, njofton përmbaruesin për plotësimin e të metave.

#### Neni 9

#### **Verifikimi i plotësimit të kriterëve**

1. Brenda 2 ditëve nga njoftimi mbi vazhdimin e procedurës së verifikimit ose përfundimi i afatit për plotësimin e të metave, Drejtori i Përgjithshëm i Përmbarimit verifikon nëse përmbaruesit gjyqësorë shtetërorë plotësojnë kriteret në nenin 3, të kësaj rregulloreje.

2. Verifikimi kryhet në bazë të dokumentacionit:

- a) që zotëron Drejtoria e Përgjithshme e Përmbarimit;
- b) të vendosur në dispozicion nga çdo person fizik ose juridik, publik ose privat, në bazë të kërkesës së Drejtorisë së Përgjithshme të Përmbarimit;
- c) të paraqitur nga përmbaruesi gjyqësor shtetëror.

3. Nëse dokumentacioni i paraqitur nuk vërteton plotësisht përmbushjen e kriterëve, nuk është i plotë, i saktë ose ka dyshime të arsyeshme për vërtetësinë e tij, Drejtori i Përgjithshëm i Përmbarimit mund të kërkojë informacion ose dokumentacion shtesë nga çdo organ publik apo persona të tjerë juridikë, vendas ose të huaj.

4. Në rast se në përfundim të verifikimit mbi plotësimin e kriterëve, ka më shumë se një përmbarues gjyqësor shtetëror që paraqet pëlqimin për transferim të përkohshëm, Drejtori i Përgjithshëm i Përmbarimit zgjedh përmbaruesin gjyqësor shtetëror që do të transferohet, duke u bazuar në kriteret e mëposhtme:

- a) përvoja profesionale;
- b) dy vlerësimet e fundit;
- c) ngarkesa e punës së secilit përmbarues, dhe;
- ç) dosjet konkrete përmbarimore që janë duke ekzekutuar.

5. Në urdhrin për transferimin e përkohshëm, Drejtori i Përgjithshëm i Përmbarimit arsyeton zgjedhjen e tij.

#### Neni 10

#### **Ankimi urdhrit të Drejtorit të Përgjithshëm të Përmbarimit**

Përmbaruesi gjyqësor shtetëror që ka paraqitur pëlqimin dhe që nuk është zgjedhur për t'u transferuar përkohësisht ka të drejtë të ankohet kundër urdhrit të Drejtorit të Përgjithshëm të Përmbarimit, në përputhje me dispozitat e Kodit të Procedurës Administrative.

#### Seksioni 3

#### **Transferimi i përkohshëm pa pëlqim**

#### Neni 11

#### **Fillimi i procedurës së transferimit të përkohshëm pa pëlqim**

Kur asnjë përmbarues gjyqësor shtetëror nuk paraqet pëlqimin për transferim të përkohshëm Drejtori i Përgjithshëm i Përmbarimit urdhëron nisjen e procedurës së transferimit të përkohshëm pa pëlqim.



## Neni 12

### **Zgjedhja e përmbauesit që transferohet përkohësisht pa pëlqim**

1. Përmbauesi gjyqësor shtetëror që do të transferohet përkohësisht pa pëlqim zgjidhet nga radhët e përmbauesve të zyrës përmbaimore të zgjedhur sipas përcaktimeve të nenit 4, të kësaj rregulloreje.

2. Si rregull, përmbauesi gjyqësor shtetëror që do të transferohet përkohësisht zgjidhet si më poshtë:

- a) përmbauesi duhet të ketë përvojën më të pakët si përmbaues gjyqësor shtetëror;
- b) nëse ka disa përmbaues që kanë të njëjtën përvojë si përmbaues gjyqësor shtetëror, zgjidhet përmbauesi që ka përvojë më të pakët profesionale si jurist;
- c) nëse ka disa përmbaues që kanë të njëjtën përvojë si jurist, zgjidhet përmbauesi më i ri në moshë.

3. Në rastet kur nevojat e punës dhe interesat e shërbimit përmbaimor gjyqësor shtetëror nuk mund të përmbushen nga përmbauesi gjyqësor shtetëror i zgjedhur sipas pikave 1 dhe 2 të këtij neni, Drejtori i Përgjithshëm i Përmbaimit, pasi kryen vlerësimin sipas nenit 3 të kësaj rregulloreje, vendos transferimin e një përmbaues gjyqësor shtetëror tjetër të zgjedhur nga lista e zyrave përmbaimore me ngarkesë më të ulët.

4. Pikat 4 dhe 5, të nenit 9, të kësaj rregulloreje zbatohen edhe për transferimin e përmbauesit gjyqësor shtetëror pa pëlqim.

5. Urdhri i Drejtorit të Përgjithshëm të Përmbaimit i njoftohet menjëherë përmbauesit gjyqësor shtetëror që do të transferohet përkohësisht pa pëlqim.

## Neni 13

### **Refuzimi**

1. Përmbauesi gjyqësor shtetëror i zgjedhur sipas nenit 12 të kësaj rregulloreje mund të refuzojë me shkrim transferimin brenda 5 ditëve nga njoftimi i urdhrorit të Drejtorit të Përgjithshëm të Përmbaimit.

2. Drejtori i Përgjithshëm i Përmbaimit shqyrton refuzimin brenda 7 ditëve.

3. Kur Drejtori i Përgjithshëm i Përmbaimit konstaton se gjendja shëndetësore e përmbauesit gjyqësor shtetëror, e bën transferimin të pamundur, zgjedh një përmbaues tjetër duke ndjekur procedurën e parashikuar në nenin 12 të kësaj rregulloreje.

4. Në çdo rast tjetër, Drejtori i Përgjithshëm i Përmbaimit nuk e pranon refuzimin e përmbauesit gjyqësor shtetëror.

5. Përmbauesi gjyqësor shtetëror ka të drejtë të ankohet kundër urdhrorit të Drejtorit të Përgjithshëm të Përmbaimit për mospranimin e refuzimit, në përputhje me dispozitat e Kodit të Procedurës Administrative.

## **KREU II**

### **TRANSFERIMI I PËRHERSHËM**

#### Seksioni 1

Transferimi i përhershëm për shmangien e konflikteve të vazhdueshme të interesit



#### Neni 14

##### **Subjekti që fillon procedurën**

Procedura për transferimin e përhershëm në rastet e shmangies së konflikteve të vazhdueshme të interesit fillon:

- a) me kërkesë të vetë përmbauesit gjyqësor shtetëror;
- b) me kërkesë të kryetarit të zyrës përbarimore ku ushtron funksionin përmbauesi gjyqësor shtetëror i cili ndodhet në kushtet e konfliktit të vazhdueshëm të interesit, ose;
- c) kryesisht nga Drejtoria e Përgjithshme e Përbarimit.

#### Neni 15

##### **Kërkesa për transferim të përhershëm**

1. Përmbauesi gjyqësor shtetëror paraqet në kërkesën për transferim të përhershëm:
  - a) interesat privatë të cilat bëhen shkak për konflikt të vazhdueshëm interesi;
  - b) rrethanat faktike dhe ligjore që shkaktojnë konfliktin e vazhdueshëm të interesave;
  - c) masat e marra nga përmbauesi për parandalimin dhe zgjidhjen e konfliktit të vazhdueshëm të interesit, nëse ka ndërmarrë masa të tilla;
  - ç) argumentet pse transferimi i përhershëm është e vetmja mënyrë për të shmangur konfliktin e vazhdueshëm të interesit.
2. Kryetari i zyrës përbarimore paraqet në kërkesën për transferim të përhershëm:
  - a) të gjitha të dhënat dhe informacionet sipas pikës 1, të këtij neni, që disponohen prej tyre;
  - b) qëndrimin e përmbauesit gjyqësor shtetëror në lidhje me vlerësimin e tyre, për ekzistencën e konfliktit të vazhdueshëm të interesit.

#### Neni 16

##### **Shqyrtimi i kërkesës nga Drejtoria e Përgjithshme e Përbarimit**

Drejtoria e Përgjithshme shqyrton kërkesën dhe merr vendim brenda 10 ditëve, nga data e paraqitjes së kërkesave sipas nenit 15, të kësaj rregulloreje, për:

- a) propozimin e transferimit të përhershëm nëse ka dyshime të arsyeshme se ekziston konflikti i vazhdueshëm i interesit, duke propozuar edhe zyrën përbarimore ku do të transferohet përmbauesi ose;
- b) të mos propozuar transferimin e përhershëm kur:
  - i) provat dhe argumentet janë haptazi të pamjaftueshme për të provuar ekzistencën konfliktit të vazhdueshëm të konfliktit të interesit;
  - ii) çështja ka qenë objekt i një kërkesë të mëparshme që është mbyllur ose për të cilën Ministri i Drejtësisë është shprehur, përveç rasteve kur paraqiten fakte ose prova të reja.

#### Neni 17

##### **Shqyrtimi i propozimit nga Ministri i Drejtësisë**

Ministri i Drejtësisë shqyrton propozimin e Drejtorit të Përgjithshëm të Përbarimit dhe vendos brenda 15 ditëve, nga data e paraqitjes së propozimit, për:



- a) njoftimin e përmbaruesit gjyqësor shtetëror për transferimin e përhershëm të tij, si dhe zyrën përmbarimore ku ai do të transferohet;
- b) refuzimin e propozimit për transferimin e përhershëm kur provat dhe argumentet janë të pamjaftueshme për të provuar ekzistencën konfliktit të vazhdueshëm të konfliktit të interesit.

#### Neni 18

##### **Refuzimi i transferimit të përhershëm**

1. Në rast se përmbaruesi gjyqësor shtetëror, brenda 5 ditëve nga marrja e njoftimit, refuzon transferimin e përhershëm, paraqet edhe dokumentacionin që provon shkakun e refuzimit.
2. Kur përmbaruesi gjyqësor refuzon transferimin në përputhje me rastet e parashikuara nga neni 45, pika 2, e ligjit nr. 8/2023 "Për organizimin dhe funksionimin e Shërbimit Përmbarimor Gjyqësor Shtetëror", Ministri i Drejtësisë i kërkon Drejtorit të Përgjithshëm të Përmbarimit dërgimin e propozimeve për zyra të tjera përmbarimi ku mund të transferohet përmbaruesi.
3. Kur përmbaruesi gjyqësor nuk refuzon transferimin e përhershëm ose ka kaluar afati për të paraqitur refuzimin, Ministri i Drejtësisë urdhëron transferimin e përhershëm të përmbaruesit gjyqësor shtetëror.

#### Seksioni 2

Transferimi i përhershëm për shkak të mbylljes ose ristrukturimit të zyrës përmbarimore

#### Neni 19

##### **Rastet e transferimit të përhershëm**

1. Transferimi i përhershëm për shkak të mbylljes ose ristrukturimit të zyrës përmbarimore kryhet kur:
  - a) shkurtohen pozicione;
  - b) ristrukturohen pozicione;
  - c) ndryshojnë kriteret për pozicionin.
2. Në këto raste, përmbaruesi gjyqësor shtetëror mund të sistemohet në vendet e reja të krijuara, të ristrukturuara apo të mbetura si pasojë e ristrukturimit.

#### Neni 20

##### **Njoftimi mbi mbylljen apo ristrukturimin e zyrës përmbarimore**

1. Përmbaruesit e zyrës përmbarimore të mbyllur apo të ristrukturuar njoftohen individualisht nga Drejtori i Përgjithshëm i Përmbarimit për fillimin e procedurës së transferimit për shkak të ristrukturimit apo mbylljes të zyrës përmbarimore, në momentin e miratimit të aktit të mbylljes apo ristrukturimit së institucionit.
2. Efektet financiare për përmbaruesin që do të transferohet apo do t'i përfundojë marrëdhënia e punësimit, fillojnë jo më shpejt se 1 (një) muaj nga momenti i njoftimit.

#### Neni 21



## **Komisioni i ristrukturimit**

1. Në rastet e ristrukturimit apo mbylljes, Drejtoria e Përgjithshme e Përmbarimit krijon një komision ristrukturimi, i cili shqyrton mundësitë e sistemimit të çdo përmbaruesi gjyqësor shtetëror në vendet e lira ekzistuese dhe propozon transferimin e tij në një pozicion të lirë.

2. Komisioni ngrihet me urdhër të Drejtorit të Përgjithshëm të Përmbarimit dhe përbëhet nga jo më pak 3 anëtarë.

3. Komisioni në propozimin e tij për transferimin e përmbaruesit gjyqësor shtetëror për shkak të mbylljes apo ristrukturimit të zyrës përmbarimore mbështetet në:

- a) kriteret specifike të vendeve të lira apo të krijuara të reja si pasojë e ristrukturimit;
- b) përvojën profesionale të përmbaruesit gjyqësor shtetëror;
- c) dy vlerësimet e fundit.

4. Komisioni brenda 15 (pesëmbëdhjetë) ditëve nga data e ristrukturimit i propozon me shkrim Drejtorit të Përgjithshëm të Përmbarimit transferimin e përmbaruesit gjyqësor shtetëror.

### **Neni 22**

#### **Shqyrtimi i propozimit nga Drejtori i Përgjithshëm i Përmbarimit**

Drejtori i Përgjithshëm shqyrton propozimin dhe merr vendim brenda 7 ditëve, nga data e paraqitjes së tij, për:

- a) propozimin e transferimit të përhershëm, ose;
- b) për të mos propozuar transferimin e përhershëm dhe kthimin për rishqyrtim e transferimit nga ana e Komisionit kur, haptazi rezulton se nuk janë respektuar parashikimet e pikës 3, të nenit 21 të kësaj rregulloreje.

### **Neni 23**

#### **Shqyrtimi i propozimit nga Ministri i Drejtësisë**

Ministri i Drejtësisë shqyrton propozimin e Drejtorit të Përgjithshëm të Përmbarimit dhe vendos brenda 15 ditëve, nga data e paraqitjes së propozimit, për:

- a) njoftimin e përmbaruesit gjyqësor shtetëror për transferimin e përhershëm të tij, si dhe zyrën përmbarimore ku ai do të transferohet;
- b) refuzimin e propozimit për transferimin e përhershëm kur rezulton se nuk janë respektuar parashikimet e pikës 3, të nenit 21 të kësaj rregulloreje.

### **Neni 24**

#### **Refuzimi i transferimit të përhershëm**

Parashikimet e nenit 18 të kësaj rregulloreje, zbatohen edhe në rastet e transferimit të përhershëm për shkak të mbylljes apo ristrukturimit të zyrës përmbarimore.

### **Neni 25**

#### **Regjistri i transferimeve**

Drejtorja e Përgjithshme e Përmbarimit krijon dhe mban një regjistër të posaçëm i cili përmban



informacion mbi përmbaruesit gjyqësorë shtetërore të transferuar sipas kësaj rregulloreje dhe periudhën e transferimit.

Neni 26

**Hyrja në fuqi**

Ky udhëzim hyn në fuqi pas botimit në “Fletoren zyrtare”.

MINISTËR I DREJTËSISË

ULSI MANJA

